

ELEGANTISSIMUM

Ex

PHYSICIS

THEMA

De

HOMINIBUS

APPARENTER
MORTUIS

Publicæ ventilationi sistent

M. THEODORUS KIRCH-
MAJER,

Francus,

&

CHRISTOPHORUS Rottnagel /

Wittebergensis, Med. Stud.

Ad d. 15, Maji, A. 1670. in Auditorio consueto,

Horis antemeridianis.

WITTENBERGÆ,

Typis MATTHÆI HENCKELII, Acad. Typogr.

ANNO M. DC. LXXXI.

THE UNIVERSITY OF CHICAGO

LIBRARY

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS


PHYSICS

PHYSICS

PHYSICS

PHYSICS

PHYSICS



PROOEMIUM.

Dura lex; OMNIBUS MORIENDUM! Nullam hac ætatis rationem, nullam personarum habet. Æquè ferit Principes ac Subditos; æquè Juvenes ac Senes. Unus omnes manet exitus. Rectè quidem si putaremus rem, magis optare deberemus, quàm abhorreere mortem. Vita enim nostra quid nisi ergastulum, nisi diversorium? Mors autem via est, quæ in cælestem ducit patriam. Interim aliquid Naturæ dandum. Hæc cum suæ amantissima unionis sit, corpus agrè divelli patitur ab anima, & in terram, ex qua ortum tamen aliquando est, reduci. Hinc nihil non tentat pro conservatione sui. Multi per dies aliquot omni vitæ sensibili carere visi sunt, & id propter mortuis annumerati. Natura tamen, ut quasi reviviscerent, quibus potuit modis, mirificè præstitit. De hisce impræsens agere apud animum statuimus. Deus mortis ac vitæ Dominus & principio & fini benignus adsit!

CAPUT I.

SYLLABUS.

- | | |
|--|---|
| <p>1. Apparenter mortuos à veris non facile licet discriminare. Quia utrobique eadem accidentia. Probat. Subjunguntur exempla aliquot antiquiora, apparenter mortuorum, qui pro veris sunt habiti ex Plinio & Plutarcho.</p> <p>2. Aliud memorabile depromitur ex Apulejo.</p> <p>3. Iterum aliud ex D. Augustino.</p> | <p>4. Quibus similia subjiciunt Thuanus & Diomed. Cornar.</p> <p>5. Adducitur αὐτοψία CHR. Landini. Item mulier Coloniensis, quæ ex sepulchro resurrexit.</p> <p>6. Recentiorum exemplorum plura sunt, quàm quæ hic recenseri possint. Unicum saltem de Vitriario Wittebergensi subjicitur Colophonis loco.</p> |
|--|---|

Apparenter mortuos à veris discernere , res tam difficilis quàm periculosa est. Nam quæ in his, eadem in illis quoque mortis *κρίτηρια* occurrunt. Deest utrobique potissimum calor ; deest halitus & pulsus cordis ; desunt actiones vitales & animales ad sensum. Imò plura, quæ concomitari vivum solent, hîc desunt. Nihil certi definiri, nihil sciri potest, ubi incertitudo militat. Verissimè *Democritus*, teste *Cornelio Celso*, finitæ vitæ nullas dari notas asseruit, quibus firmiter insistere possis. Enimverò sunt, qui pro mortuis habiti inter efferendum revixerunt ; sunt, qui elati jam ex ipsis sepulchris redierunt. Veritas facti indubia est, & tot Scriptorum monumentis confirmata. Ex antiquioribus primùm audiamus *Plinium*, qui in *Historiâ nat.* Lib. VII. peculiare hâc de re conscripsit caput. Ita verò ille : *AVIOLA CONSULARIS in rogo revixit, & quoniam subveniri non potuerat, prævalente flammâ vivus crematus est. Simile in L. Lamiâ Prætorio viro contigit. C. Ælium Tiberonem verò Prætura functum à rogò relatū, Messala Rufus & plerique tradunt. Hûc pertinet nobile illud apud Græcos volumen Heraclidis, septem diebus fœminæ exanimis ad vitam revocata. Varro quoque autor est viginti viris agros dividentibus Capuæ, quendam, qui efferetur feretro, domum remeasse pedibus. Hoc idem Aquini evenisse. Roma etiam Corfidium matertera sua maritum funere locatò revixisse & locatorem funeris ab eo elatum. Plutarchus in DE SERA NUMINIS VINDICTA narrat, nonneminem, cum ex alto super collum decidisset, nullo accepto vulnere ex lapsu saltem mortuum esse, ac, cum jam triduanus ad sepulturam efferretur, de subito corroboratum ad sese rediisse, & incredibilem mutationē vitæ post instituisse. Verba ejus ex ipso desumpta fonte hæc sunt: *Καὶ δὴ τρόπον τινὰ μὲν ἔπολὺν χρόνον αὐτῷ σωέπε-*
*σεν.**

σεν. Κατένεχθεῖς γὰρ ἐξ ὕψους τινός εἰς τράχηλον, ὃ γεγόμενον τραύ-
ματ' ἔχει, ἀλλὰ πληγῆς μόνον, ἐξέθανε, καὶ τριταΐ' ἤδη περὶ τὰς
ταφὰς ἀνήνευκε. Ταχὺ δὲ ῥωσθεῖς, καὶ παρ' αὐτῷ γεγόμεν' ἄ-
πιστόν τινα ἔβριχ μεταβολῇ ἐποίησεν.

§. II. His qui astipulentur, non desunt alii. *Apulejus libr.*
VI. Florid. de homine Φαινομένως mortuo elegantem hanc
historiam exponit. ASCLEPIADES, inquit, cum fortè in civi-
tatem se reciperet, ἔξ' ῥυρε suo suburbano rediret, aspexit in
pomæriis civitatis funus ingens locatum, plurimos homines
ingenti multitudine, qui exequias venerant, circumstare,
omnes tristissimos ἔξ' obsoletissimos vestitu. Propius accessit,
ut etiam cognosceret more ingenii humani, quisnam esset?
Quoniam percontanti nemo responderat. At verò ut ipse alius
quid in illo ex arte reprehenderet, certè jacēti ac propè deposti-
to fatum attulit. Jam miseri illius membra omnia aromatibus
perspersa, jam os unguine odorò delibutum, jam eum pollin-
ctum, jam cœna paratum (contemplatus enim diligentissimè
est) animadvertit. Etiam atq; etiam pertractavit corpus homi-
nis ἔξ' invenit in illo vitam latentem. Confestim exclamavit
vivere eum. Procul ergò faces abigerent, procul ignes amoli-
rentur, rogam demolirentur, cœnam feralem à tumulto ad
mensam referrent. Murmur interea exortum, partim medico
credendum dicere, partim etiam irridere medicinam. Postre-
mò, propinquis etiam hominibus invitis, quod ne jam ipsi he-
reditatem acceperant, an quod adhuc fidem illi non habebant;
egrè tamen ἔξ' difficulter Asclepiades impetravit brevem mor-
tuo dilationem. Atq; ita Vespillonum manibus extortum, ve-
lut ab inferis, postliminiò domum retulit, confestimq; spiri-
tum recreavit, confestimq; animam in corporis latibulis deli-
tescentem quibusdam medicamentis provocavit.

§. III. Dignissimum memoratu præ cæteris est illud, cu-
jus memoriam D. Augustinus Ecclesiæ Hipponensis præsul,

lib. de Cura mortuorum, ad posteritatem sequentibus propagavit. Homo quidam, ait, de turmâ, curina nomine, municipii Tulliensis, quod Hipponi proximum est, curialis pauper, & simpliciter rusticanus, ablati sensibus, penè mortuus jacuit aliquot diebus. Nullos artus movebat, nulla sumebat alimenta: nihil oculis, nihil ullo alio sensu corporis, quâlibet impacta molestiâ, sentiebat. Videbat tamē multa velut in somnis, quæ tandem aliquando post dies plurimos, quasi evigilans, visa narravit. Ac primum mox ut aperuit oculos: Eat aliquis, inquit, ad domum Curinæ, fabri ferrarii, & videat, quid ibi agatur. Quo cū itum esset, inventus est mortuus, eò momentō, quō iste fuerat sensibus redditus, & penè à mortē revixerat. Tunc intentis, qui aderant, illum exhiberi jussum esse, quando ipse dimissus est, indicavit: seq̃ illic, unde redierat, dixit, audiisse, quod non Curina Curialis, sed Curina Faber ferrarius ad loca illa mortuorum præceptus fuisset adduci. In illis ergò visis, tanquam in somniis suis fuit inter eos defunctos, quos videbat pro meritorum diversitate tractari. Agnovit etiam nonnullos, quos noverat vivos. Ipsos autē verè mortuos forsitan credidissē, si non inter illa quasi somnia sua vidisset etiam quosdam, qui usq̃ adhuc vivunt, Clericos videlicet aliquos regionis suæ; à quorum Presbytero audivit, ut apud Hipponem baptizaretur à me: quod & factum esse dicebat. Viderat itaq̃ in illâ visione Presbyterum, Clericos, me ipsum, nondum scilicet mortuum. Vidit & fundum, ubi erat ille cum Clericis Presbyter & Hipponem, ubi à me baptizatus est. In quibus locis profectō non erat, quando illic sibi esse videbatur. Nam quid ibi ageretur eò tempore, nesciebat: quod procul dubio sciret, si verè ibi esset. Visa sunt igitur ista, quæ non præstantur in ipsis rebus, ut sunt, sed in quibusdam rerum imaginibus adumbrantur. Deniq̃ post multa, quæ vidit, etiam in Paradisum se introductum esse, narravit, dictumq̃ sibi esse,

cum inde dimitteretur redituros ad suos: Vade, baptizare, si vis esse in loco beatorum. Deinde, ut à me baptizaretur, admonitus, jam factum esse, respondit. Cui rursus ille, qui cum eo loquebatur: Vade, inquit, verè baptizare; nam illud in visione vidisti. Post ista convaluit, perrexit Hipponem. Pascha jam appropinquabat, dedit nomen inter alios competentes; pariter cum plurimis incognitus nobis: nec illam mihi visionem nec cuiquam nostrorum indicari curavit. Baptizatus est. Peractis diebus sanctis, remeavit ad propria. Biennio vel amplius transactò, ego cuncta hæc cognovi, primò per quendam meum ejusq; amicum in convivio meo, dum quædam talia loqueremur. Deinde institi ac feci, ut hæc mihi præsens ipse narraret, attestantibus honestis civibus suis, & de mirabili ejus egritudine; ut jacuerit penè mortuus, per dies plurimos, & de illo alio Curina, Fabro ferrario, quod commemoravi superius & de his omnibus. Quæ cum mihi diceret, etiam tunc ab illo audisse recolebant atq; firmabant &c.

§. IV. Aliud factum in signe in rem nostram suppeditat ex *Thuano* elegantissimus *Francisci* de Julio Civili, qui in obsidione Rothomagi Galliæ glânde ictus plumbeâ, ex vallo mortuo similis in fossam decidit, nec multò post cum alio quodâ conditus in terram est. Hic habebat in ministris, qui juramento fidem suam obstrinxerat vivo, si mortem fortè occumberet, corpus se repetiturum. Hujus memor post sex horas accurrit, herum verò non invenit. Monstratur sepulchrum; aperitur: Ipse verò totum sanguine pollutum non agnoscere poterat pro suo. Igitur reponit eum, abiturus inde. Casu verò manus remansit extra humum, cujus digitorum unus pretiosissimâ gemmâ coruscabat. Quò animadversò, minister corpus relevat ex tumulo & eqvo secum domum avehit. Supererat quidem aliquid caloris, vita tamen nulla sentiebatur, donec quinto abhinc die, calidò per os in fusò jusculò cor vicissim agitari cepit, & ipse

ipse oculos reclusit. Atq; sic, qvi inter mortuos jam fuit, de-
nuò accessit vivis, & ex vulnere penitus convaluit. Non
possum mihi temperare, qvin foeminam istam, quæ, teste
Diomed. Cornaro in hist. admirand. sepulta peperit, hûc
qvoq; in medium producam. Res verò ita habet. Madritii
in Hispaniâ matrona quædam ex familia *DonFrancisciLasso*
oriunda, postquam per triduum in mortis agone decubuit,
cognatis eam mortuam dijudicantibus, deportata est in lo-
cum ad sepulturam destinatum, ubi more solito relictâ fuit
occlusa. Post aliquot menses apertò tumulò repertum est
hoc cadaver, habens in dextro brachio infantē mortuum.
Ex quo non obscurè colligere licet, ipsam tum temporis,
quando sepulta fuit, nondum obiisse, sed postmodum pe-
perisse infantem, qvi unâ cum matre miserrimè intra ter-
ram obiit.

§. V. Cæterum nec prætereundum silentio est, quod ad
lib. VI. *Æneidos* notavit *Christoph. Landinus*, se videlicet Flo-
rentiæ suis vidisse oculis infectoris uxorem pro mortuâ
elatum, cum ad remigii perventum esset templum, in fere-
tro assurrexisse & ad multos annos vixisse. Quod de *Jo. Duns*
Scoto à nonnullis asseritur, pari probabilitatis specie ab aliis
rejjicitur. Ne ergò falsa fortè misceantur veris, satius erit,
eum omittere. Illud meretur fidē, quod annotante *Gr. Hor-*
stio, c. 9. med. mir. Marcelli, M. CCCLVII. Colonia Ubiorum
accidit. Scilicet nobilis quædam matrona, *Reichmuth Adolch*
nomine, in foro novo habitans, cujus ædes adhuc conspi-
ciuntur, peste inter alios corripitur ibidem, & pro mortuâ
sepelitur. In hujus digitis annulum relictum vespillones
advertunt. Quapropter nocte subsequente clam sepulchrū
adeunt, loculumq; effodiunt. Quid fit? sepulta se erigit, Ve-
spillonum præ metu aufugientium lucernam apprehen-
dit, & ad ædes mariti sui properat. A quo cognita postmo-
dum, optimâ victus ratione adhibitâ, convaluit, & tres ad-
huc filios generavit.

§. VI. Hactenus exempla attulimus ex prioribus seculis. Nunc recentiora persequenda essent. Sed verendum, ne & tempus deficiat & opera perdatur: quandoquidem nulla vel provincia, vel urbs facile existit clara, quæ non aliquot de se recensere nōrit. Ipsa Witteberga nostra hominem alit vitriarium, nomine *Augustum Schwencke*, qui, cum trium esset annorum infans, ex morbo quodam videbatur expirasse. Pater ejus Decurio cum reliquâ familiâ summam inde acerbitem sensit. Sed ne magis hæc ac magis conspectu augeretur, ex hypocausto corpus deferri in conclave quodam aliud curavit. Intensissima erat hyems, & tamen eum nonnisi indusio amictum per triduum haud læserat. Hic cum mox esset efferendus, in locum antè illum, in quo erat repositus, faber lignarius, unâ ibi habitans, venit, rerum aliquid acturus. Fortè audit vocem hominis, petentis potum. Accedit ad loculum, sed nullū vitæ indicium deprehendit. At cum abeunte ipsō vox eadem resonaret, assumit infantem, & ad Patrem properat. Hic attonitus fidem non adhibere dictis, nec tamen ea prorsus spernere. Igitur ad fornacem collocatur. Cum jam incaluisset probè; euge! oculos aperiebat, movebat manus, & paulatim sibi totus reddebatur. Vivit adhuc homo, & nunc canescere incipit; quanquam facie semper palleat.

CAPUT II.

SYLLABUS.

I. Cause investigantur, quod nonnulli, qui mortui sunt visi, revixerint. Adducitur quorundam opinio Refutatur.

II. Vera sententia ponitur. Ostenditur simul, cur anima ab operationibus suis esset.

III. Declaratur modus, quo *Φαινομένων* mortui reviviscant. Indicatur, quod nonnunquam mira visa habeant. Subjunguntur hujus rei exempla. Causa redditur.

Hucusq; demonstratum, dari homines, qvi cum diu inter mortuos jam referrentur, vitæ tamen sensibili præter spem omnem restituti sint. Proximum est, ut in causas effectus hujus inquiramus. In antecessum verò monendum, fuisse, qvi doucherūt, animas suò exire corpore, idemq; , ubi opus, vicissim ingredi. Quos inter *Paracelsus*, teste *Libanio de Cr. Cad. p. 173.* & *Kornmannus de mir. mortis part. 9. cap. 23. Magius* quoq; cap. 5. 3. annotante *Dalechampio ad lib. VII. cap. 52. Plinii*, de animarum post obitum recursu multa refert, atq; ex eo etiam decidit quæstionem, cur præsentē occisore occisus stillēt sanguinem? Hi proinde & alii Autores to ū negotiū explicant per egressum regressumq; animarū liberum. Sed impium & abominandum dogma hoc. In manu Domini animæ requiescunt, è corpore cū exierunt. Nullus naturaliter regressus à privatione totali ad habitum datur. Animas separatas cum corpore redunire, non nisi divinæ virtutis est; ne plura hujus rei in sacro codice, quàm septem extant exempla, præter illud insigne τὸ κυρίον, ut observatum *Cedreno* in vitâ Tiberii. Diabolus quidem nonnunquam ob causas sibi optimè notas defunctorum corpora ingreditur, motusq; eorum & operationes dirigit ad tempus; animam verò informantem reducere non valet.

§. II. Nihil horum in apparenter mortuis locum habet. Manent enim animæ. Id verò disquiri potest, cur ab ordinariis suis operationibus cessent? Rem paucis expeditam dabimus. Causa Principalis ad agendum idoneis eget instrumentis, quibus destituta impeditur. Non conficit vestem sine forfice & acu sartor. Non extruit domum sine asciâ ferrâq; faber. Mediis utrinq; opus. Anima quidem inorganica est, & separata etiam absq; organis agere potest. At quamdiu est in corpore, ea exposcit ad actiones perficiundas. In primis verò potissima ejus organa, spiritus nempe & viscera prin-

principaliora attendenda sunt. Hæc ubi se habent rectè, debito modò munere illa suò perfungitur. Sin verò contingit, ut vel gravissimè lædantur, vel extremè corrumpantur, cogitur istud aut remissè agere, aut prorsus intermittere. Nos animam in ejusmodi hominibus operationes suas definire dicimus vel ob insignem quandam in dispositionem, cordis, vel læsionem & nimiam concussionem cerebri, vel ob principii nervorum obstructionem & spirituum animalium interceptionem, vel ob defectum vitiumq; grande spirituum vitalium, vel deniq; ob usum fortiorum medicaminum narcoticorum, quibus spiritus in toto corpore, stupefiunt & quasi constringuntur. Indefinitè hîc loquimur. Plures causas damus, quia plures casus sunt. Ad particularem verò effectum particularem applicare causam, prudentiæ opus est, ac præcipuè ex circumstantiis & constitutione corporis addiscitur. Sed ad rem.

§. III. His in angustiis dum anima versatur, vires recolligit, ac, ne domicilium suum, quod insiti amoris vi complectitur, deferere habeat necesse, intus naturæ laboranti, quantum quidem potest, obstetricatur. Ad superandum igitur impedimenta si sufficit, homo sibi redditur, & vitam vivere de novo incipit. Memorabile est, quod nonnulli in quiete hæc mira somnient visa. *Eris filius, Armenii, natione Pamphylius, referente Leopard. cap. 2. 9. multis acceptis vulneribus, inter mortuos ad decimum usque diem relictus, deinde duo decimo ad sepulturam sublatus, in rogo revixit, ac mirabilia quædam per imaginem oblata sibi, dum ex animis jaceret, narravit. Quod de Curinâ dictū antè, adhuc in recenti memoriâ erit. Aliud de Corfidio ex Varone affert Plinius. Verba ejus hunc in modum ferè sonant: E duobus fratribus equestris ordinis Corfidio majori accidit, ut videretur expirasse, apertodq; testamento recitatus heres minor funeri institit. Interim is, qui videbatur extinctus, plaudendo consinnit mysteria.*

*Et narravit à fratre se venisse, commendatam sibi filiam ab eo. Demonstravit praterè, quò in locò alter defodisset aurum, nullò conscio. Et rogasset, ut iis funebribus, quæ comparasset, efferreretur. Hoc eò narrante, fratris domestici properè annuntiaverunt, exanimatum illum, Et aurum, ubi hic dixerat, reppererunt. Causa rei hæc fortè est. Phantasia in talibus, æqvè atq; in somniantibus, omni reliquò quiescente sensu, adhuc actiuosa existit, atq; nunc acceptas species confundit, nunc novas inde elicit. Et cum plerumq; graviter ægrotantes multa de mortè, de funere ac cœlò sibi imaginentur, species hæc etiam post soporem istam remanent, & Phantasiæ occasionem præbent, admiranda sæpius visa effingendi. Quanquam non negare velim, Curiam simul virgulâ tactum divinâ, monitumq; esse, ut ea perageret, quæ ad gloriam Dei & propriam facerent salutem. Idem verò de *Corfidio* pronunciare, vereor, ne vehementer errem. Neque tamen per accidens ignota eum rescivisse, facile dixerim. Conjiciam, Diabolum hæc ipsius Phantasiæ impressisse. Hanc conjecturam ita stabilio. Primò, *Corfidius* erat unus ex gentilibus. At his nihil rerum cum vero Deo. Idola enim adorabant, & de futuris interrogabant; responsa verò per eadem à Diabolo capiebant. Non igitur credibile, Deum gentili miraculosè ea aperire voluisse, quæ erant mundana, ac nec conversionem istius, nec nominis sui amplificationem concernebant. Deinde, in visione illâ inter alia revelatio fit thesauri, qui à fratre, nullò conscio, occultabatur. At Diabolus mundi ac divitiarum Princeps audit, & maxime laqueis hisce homines irretire & in majora peccata præcipitare studet. Nec obstat mandatum de curandis exequiis, aut filia fratris honestè educanda. Diabolus enim bona interdum svadet, ut pro Angelo lucis reputetur, & decipere in cæteris hoc feliciùs possit.*

CAPUT III. SYLLABUS.

I. Mortui per dies aliquot non immerito asservantur, antequam tradantur sepultura. Idem observavit mulier quædam Ferrariensis. Idem observandum Camerarius suadet. Ita etiam soliti sunt Græci, ita Romani.

II. Agitur de conclamatione. Ventilatur Questio, An vociferando delitescens anima resuscitari possit? Breviter etiam pertractatur Controversia, An anima corpore egressura, per clamorem detineri queat?

§. I.

CAutè cum mortuis procedendum. Non illicò abest anima, abesse ubi videtur. Sæpè insignis error committitur. Sæpè semivivi sepeliuntur. Memoriae occurrit, quod apud *Amat. Lusitanum* Cent. 4. observ. 23. legitur de puellâ quædam *Ferrariensi* apoplectica; quæ ab omnibus Medicis pro mortua habebatur. Interim cum mater filiam summo-perè amaret, eam non ita facilè permisit sepeliri, idq; hoc magis, quod ab aliis perceperat, qui gravioribus repente morbis corripiantur, non tam subito terræ mandandos esse. Demum mater puellam per triduum aquid se invitis aliis detineri fecit; & ecce! tertio illa die quasi ex inferis sublevata revixit. Huc faciunt, quæ *Jo. Rudolphus Camerarius* Med.D. Cent. 7. Mirabil. naturæ arcanorum; hanc in rem differit: *Compertum habeo, nostrâ & avorum memoriâ nonnullos effractio capulô revixisse. Quamobrem lege cautum esse convinit, ne Libitinarii aut Vespillones propere, quos mortuos existimant, extingant, animæ speciem præbere vident, loculo includant, eos præsertim, qui apoplexia aut morbo comitiali, uterique strangulatione suffocantur, cum in illis nonnunquam delitescat anima, quæ rursus corpus spiritû vitæq; imbuat.* Tutissimum proinde est, corpora per tempus aliquod asservare. Ita etiam tulit Veterum consuetudo. Apud Græcos septendecim diebus domi sunt

servati antè, quàm cremarentur mortui. Hinc & *Homerus* Achillem diebus noctibusque totidem defletum & octavo decimo combustum *Odyss.* lib. 24. tradit. Nec *Romani* festinârunt defunctos. Multa, ceu ex *Pontani Progymnasim.* & *Jo. Kirchmanni Funeribus Romanorum* constat, funerationi præmiserunt, quorū illud præcipuum, quòd identidem coram mortuis ederint clamorem, ut vel egressuram animam retardarent, vel in corpore delitescentem experge facerent. De Conclamatione & Conclamatibus, quæ hinc inde habentur ap. Autores, tractent Philologi. Nos ex occasione dictorum duo indagare altius juvet;
1. An plurium conclamatione anima latens excitari possit? 2. An eadem corpore excessura per vociferationem retardari queat?
Utrumq; distinctè ac breviter examinandum.

§. II. Quod attinet ad *prius*, credidisse hoc Romanos, modò ex *Kirchmanno* recitatum. At amussim res si applicari debeat, non simpliciter vera est affirmativa. Cautela adhibenda. Plura superiùs impetimenta adduximus, quæ interdum animam ab operationibus suspensam tenent. Ob diversitatem illorum respondendum diversimodè. Quod si fortè enim aut male affecta cordis substantia, aut læsum nimis, concussūque cerebrum hunc effectum principaliter producat, clamor vel per triduum continuatus nihil proderit. Sin ceteræ valeant causæ, aliter loquendum. Tum enim sonus vehementior vehementiùs ferit sensus, sanguinemq; corruptum alterat, movet, dissipat, & spiritibus vitalibus ad cor retroactis versus cerebrum per arterias parat viam, animalibus verò vel interceptis, vel ex pharmaco stupefactis per nervos. Quò ipsò adjuta anima ad suum redit

dit officium, quod in vita aliquantisper omisit. Interim fatendum, quod ejusmodi conclamati postea langvidam & difficilem agant vitam, nisi malum maturè removeatur. An ex depravatis humoribus sanguinis, nec ne, hoc oriatur, nonolumus disputare. Ad *Posterius* accedimus, quod maximè obscurum est. In rebus naturalibus, quarum manifestæ qualitates sunt, facile, verum invenire. At quò nec sensus, nec rationis imbecillitas pertingit, vel probabilem saltem conjecturam afferre, non in promptu semper. Circa præsens problema varii sentiant varia. Nobis verisimile videtur, animam in certis casibus per elatum clamorem ad minuta quædam temporis teneri posse. Clamor enim per aures penetrat ad phantasiam. Phantasia verò spiritus, qui potissimum animæ vehiculum sunt, denuò excitat. Quò fit, ut homo adhuc paulisper respiret, & anima in corpore remaneat. Sed verò egressuram ad longum tempus detinere, nec personum, nec aliud quoddam medium possibile est. Ubi enim mors ex causis suis præsentissima instat, animæ & corporis proximè sequitur dissolutio.

TANTUM.

COROLLARIA.

I.

Ineunte vere aer est insalubris.

Terra enim radiis solaribus reclusa, quos per hyemem intus tenuit vapores, universos tum emittit, aëremq; iis maximè impurum reddit. Et si alicubi fortè succis mineralibus sit imprægnata, tetræ eorum effluviis prætereuntes sæpè in summum vitæ discrimen adigit. Nec parum insalubritatem augent aquæ regularæ.

lata. Quæ enim glacie per benè longum tempus constringitur illuvies, calore verno resoluta liberè egreditur. Accedit, quod insecta pariter atque animalia venenata ex cavernis terræ, in quas ante se ob metum frigoris receperant, hoc tempore redeundo, putridos secum noxiosque halitus asportent. Igitur præstat mense potissimum Martio domi se continere, quam animi gratiâ in rus abire.

II.

A pastu illicò urgere studia, valdè impedit concoctionem.

Nobilissimus animæ humanæ actus intellectio est, cui si attentius incumbit, non dubitandum, quin cætera agat remissius. Spiritus enim potissimi ex reliquo corpore ad cerebrum tendunt, ut animæ species intelligibiles vel de novo fabricanti, vel intellectui passibili jam impressas repetenti & inde elicienti alias inserviant. Hinc facile colligere est, debilitari ventriculum, interpellari concoctionem accruditates (quæ causæ sunt malorum mille) oriri, à prandio & coena statim si literas scrutaris. Satiùs proinde est modicâ deambulatione, aut aliâ exercitatione quadam ludicra per unam duasve horas pro ratione temperamento-
rum uti.

